




今年因为疫情的关系，都唔提倡大家好似以前咁到处去串门拜年，不过网络咁发达，过年嘅交际都可以靠“云端”！不过，同朋友聚会就话无碍碍开心，但三姑六婆都可以通过网络来催婚，一样唔吓人？

张杰玲 / 文
姚舜瑜 / 图

云过年 人际交往好唔同！

朋友聚会篇



云干杯

今朝有酒今朝醉，一班人聚一齐饮酒宜家环境真係能免则免，不过都避免唔到朋友捉你饮酒，开群视频饮酒都不失为一个好方法，虽然有人知道你饮嘅係酒定汽水，不过听到一句“养金鱼咩你！”实在倍感亲切。教理老豆同佢 d 朋友连线，仲可以避免阿爸过年出去饮太多，俾阿妈闹啊！



海外时差预计

因为学业未能归国嘅朋友大家身边应该都唔少，逢年过节问候下，互相分享当地日常趣事都都常有，加上现在在国外疫情状况都唔多乐观，就更加要多 D 关心下海外朋友，虽然有时候倾下两声，不过唔惊，反正隔住屏幕佢都打唔到你！



云唱K

就算唔出街，该有嘅娱乐活动照样唔会少！大家连线云唱 K 都唔一个好嘅消遣活动，各大在线 K 歌平台只要你有个耳麦就可以开个房间唱，觉得有实感仲可以整支麦，加上高科技混音效果个个都可以做歌神，分分钟正过出去唱，而且仲可以避免现场唱走音尴尬！当然都唔好吵到隔离屋咯。

亲戚“串门”篇



派利是变抢红包

疫情情况下大家都习惯过手嘅都要消毒，不过拿到利是都要消毒就好尴尬，微信红包就完美解决啦！发个群红包热闹又有气氛，分分钟抢个手气最佳开心一日啦！



网上连线被追问

虽然隔住屏幕，不过都阻挡唔到三姑六婆关心你，“今年考第几啊？”“有冇男/女朋友啊？”“几时结婚啊？”一句都唔会少！不过网络呢家野好飘忽，信号唔好听到，突然 cut 线情况都会有，毕竟世事难料嘛。



隔屏晒包

新年买咗新衫新鞋新包梗都要 show 下啦，当面晒一次只可以晒一个，网上晒一次可以晒几个！加上摸唔到又点知坚定流呢，一时之间都唔知究竟係晒包定係直播带货？



农历新年屋企要采购嘅嘢唔少，其中年货就係最特别嘅嘢之一，无论係自己食定係用来招待客人，总要备多 d 唔同种类嘅，望上去先够丰盛！如今网购咁方便，mark 低呢份攻略，一次性网上扫货啦！

姚舜瑜 / 文、图

超有口福！ Mark 低呢份年货攻略

经典年货唔自己

虽然每年 d 商家都会推出好多，稀奇古怪嘅新品种年货，但係对于大部分人来讲，有 d 年货食嘅情怀回忆，所以每年嘅购物车都必不可少！利是糖、新年糖、蓝罐曲奇等等，相信係好多人屋企嘅常客，唔单止摆出来有过节气氛，最紧要係味道都十年如一，少买边种都觉得周身唔聚财。坚果类同样都唔少得，过年咁长时间唔屋企，无行程嘅话都几无聊，宅家嘅时候有 d 坚果来剥下食下，会更好容易打发时间。



孝敬长辈要体贴

屋企有长辈嘅朋友，拣选年货就唔单止要考虑自己啦，如果阿婆阿公来到屋企，你摆出一包坚果俾佢地，真係俾阿妈闹。松松软软嘅年货就唔啱佢地，无牙都可以食得到嘅蛋糕、软糖基本上都要准备，而且唔可以太热气或者太寒凉，太甜都对老人家唔好。屋企长辈一般都中意讲情怀，d 新鲜嘢佢地都唔多 like，经典老字号嘅产品就最好，见到个包装已经觉得开心。



招呼细路花心思

拜年期间简直就係小朋友嘅天下，随时随地 d 表弟、表妹、侄仔、侄女都会扎堆上门，除咗要收埋 d 贵价手办同锁好展示柜之外，准备多 d 啱佢口味嘅零食，都可以减少熊孩子们嘅破坏力。棒棒糖同埋朱古力肯定係唔少得嘅，不过一般嘅款式佢地都见惯，所以要准备比较特别同新奇嘅款式，例如脚掌造型嘅棒棒糖、鳄鱼造型嘅朱古力饼干，总之越得意越好！



拜年送礼要优选

除咗唔屋企接待客人，过年少不了出去拜年嘅时候，准备嘅礼物其实唔需要太贵重，但係想主人家对你印象深刻，礼盒嘅造型同包装就係取胜关键。健达嘅礼盒就整成灯笼嘅形状，真係好特别，其他牌子嘅礼盒，重点係内容丰富同混搭，一个礼包包含多种唔同嘅零食，照顾到唔同喜好嘅人。迪士尼嘅礼盒虽然简单，但係就好有巧思，加上混搭组合嘅内容，大人细路应该都 like。

